

# Bibel fa Kjinja

brinjt junt



## De Prins woat een Hoad



Jeschräwen von: Edward Hughes  
Jemolt von: M. Maillot; Lazarus  
Toom Pauss jestalt von: E. Frischbutter; Sarah S;  
Alastair P.  
Äwasat von: Ed Zacharias  
Hääjestalt von: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2022 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.


1



Een Dach sach Moses woo een  
Ägipta eenen Hebräa schluach.  
Wan Moses uk aus een  
Prins em Kjennich sien  
Paulaust jewont un  
jeliheet haud, wia hee  
een Hebräa.  
Dän wull  
hee halpen.


2

Hee kijkt sikj om, toom seenen auf daut wää sach, un dan schluach hee dän Ägipta soo daut dee storf. Un dan veschoawd hee däm schwind.




3

Dän näakjsten Dach sach Moses daut twee Hebräa sikj schluagen, un wull an opphoolen. "Woascht du mie uk doot-schlönen, soo aus dän Ägipta?" fruach eena. Dit enjst Moses. Wisten dee daut aula? Wist de Kjennich? Hee must nu wajch. Hee jinkj auf no Midian.



4

Moses vepust sikj bie een Borm, aus de säwen Dajchta von däm Priesta von Midian kjeemen Wota schapen fa äären Voda siene Hääd.



5

Aundre Hoads wullen dee tosied schuwen, oba Moses holp de Sestren.



6

"Jie sent vondoag tiedich tus," säd de Sestren äa Voda, Reguel. Aus see säden wuarom see tiedja wieren säd Reguel, "Brinjst däm Maun häa." Reguel heet uk Jitro. Lota befried Moses

sikj met de elste Sesta.



7

En Ägipten storf de Kjennich. Gott sien Volkj, de Hebräa, musten aus Sklowen deenen. Daut jinkj sea schljacht! See

prachaden Gott daut hee halpen sull, un Gott horcht doano.



8

Moses wist daut nich, oba Gott wull Moses brucken toom de Hebräa halpen. Hee wia aul 40 Joa von Ägipten wajch jewast. Hee deed Reguel siene Schop heeden, oba hee haud sien Volkj en Ägipten nich vejäten.




9

Een Dach sach Moses eenen Bosch brennen, oba de vebrend nich. Dan jinkj hee dichtbie kjkjen.



10

Aus Moses dichtbie kjeem roopt Gott to am von em Bosch, "Moses." "Ekj sie hia," säd Moses. "Komm hia nich dichtbie, un nemm dien Footich auf. De Städ opp woone du steist es heiljet Launt."




11

"Ekj woa die no däm Kjennich schekjen toom mien Volkj ut Ägipten brinjen," säd Gott. Moses enjst sikj doafäa.



12

Dan weess Gott Moses woo stoakj hee wia. Hee muak Moses sien Stock to eene Schlang.



13

Aus Moses de Schlang biem Zoagel opphoof, wia daut wada sien Stock. Gott jeff uk aundre Tieekjens.



14

"Laj diene Haunt en dien Mauntel," säd hee.  
Moses deed daut. Siene Haunt  
wia witt met Lepra  
Krankheit.




15

Aus hee daut wada deed, wia siene Haunt jeheelt.



16

Moses wääd sikj un säd, "Ekj kaun nich goot räden."  
Gott wort kort met Moses un säd, "Du woascht  
Aaron dien Brooda jäwen waut hee sajen saul."



17

Moses jinkj trigj no Jitro, pakt  
opp, un veleet no Ägipten.



18

Gott leid Moses sien Brooda Aaron  
no Moses enne Boaj. Moses säd  
Aaron Gott sienen Plon toom  
de Hebräa frie moaken von  
de Ägipta. See jinjen toop  
no de hebräische Leida  
un weesen an de  
Tieekjen dee Gott  
am jejäft haud.  
Dan wisten see  
Gott wudd an  
halpen. Aula  
toop kjneeden  
see em Jebäd.



19

Moses un Aaron jinjen brow nom  
Kjennich un säden, "Gott sajcht,  
'Lot mien Volkj gonen.'"



20

"Ekj woa Israel nich gonen loten," säd de Kjennich. Hee horcht nich no Gott. Gott wudd siene groote Krauft motten brucken toom dän Kjennich beräden.



21

De Prins woat een Hoad


Eene Jeschicht von en daut Wuat Gottes,  
de Bibel

finjt eena en

2. Mose 2-5

"Wan dien Wuat openboat woat,  
jeft daut Licht." Psalm 119:130

22



10



60

23

Dise Biblische Jeschicht sajcht ons von onsen wundascheenen  
Gott, see ons jemoakt haft un ons well kjanenlieren.

Gott weet daut wie schljachtet jedonen haben, waut hee Sind  
nant. De Strof fa Sind es de Doot, oba Gott siene Leew fa ons es  
soo groot, daut hee sienen eensjen Sän, Jesus, schekjt, daut hee  
aum Kjriez stoawen sull un de Strof fa onse Sind nämen sull. Dan  
stunt Jesus vom Doot opp, un fua no sien Tus em Himmell! Wan du  
dän Gloowen aun Jesus hast, un am frajchst diene Sind to  
vejäwen, dan deit hee daut! Hee kjemt dan un läft en die, un du  
woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch  
toom fa onse Sind to stoawen, un daut du nu wada läfst. Komm en  
mien Läwen un vejeff mie miene Sinden, soo daut ekj nu nieet  
Läwen haben kaun, un noch emol opp emma no die kom. Halp mie  
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

24